



Info Odyssee 2020

D' „Odyssee“ si Campen déi d'RaRo Branche all 3 bis 4 Joer am Ausland maachen. Dës Campen sinn déif an der pädagogescher Methode vun dëser Branche verankert. Ziler vun dëser Aktivitéit sinn de Kontakt an den Austausch ënnert Jonken aus verschiddene Kulturen. Duerch dës eenzegaarteg Experienz kréien déi Jonk d'Méiglechkeet iwwert hier Grenzen eraus ze goen a selwer hautno ze erliewen, wéi aner Leit op der Welt liewen.

Geplangt ginn dës Campen 2 Joer am Virfeld, dëst vun der nationaler RaRo Ekipp an de respektive Staffen. 1 Joer virum Depart forméiert sech den Odyssee Grupp an d'RaRo am Alter vu 17 bis 23 Joer ginn intensiv an d'Preparatioune mat agebonnen. Zu dëser Preparatioun gehéiert ënnert anerem d'Deel huelen u Preparatiounsweekender wéi och d'Sammele vun Donen duerch z.B. Finanzaktiounen.

All Participant a Staffmember bezillt seng Rees a säin Openthalt selwer. D'Chantiere (Bauen, Renovéieren, Beem planzen,...), déi de Besoinen an der Demande vun de lokale Leit op der Plaz ugepasst ginn, ginn duerch Donen a Sammelaktiounen finanzéiert.

Viraussetzungen:

1. Umeldung

D'Umeldung, fir mat op en Odyssee Camp ze goen, ass just um Weekend de Lancement vum 12.-13. Oktober 2019 um Neihaischen méiglech. Et gi keng Ausname gemaach.

Umelle fir de Weekend de Lancement kann een sech als Clan oder als eenzele RaRo bis de 7. Oktober 2019 ënnert raro@lgs.lu. Et kritt een eng Bestätegungsmail zrëck.

D'Umeldung gëtt mat der Iwwerweisung vum Kit (ccf. Präisser) bestätegt. Definitiv Umeldung ass bis den 1. Preparatiounsweekend den 23.-24. November 2019 méiglech. No dësem Datum ginn d'Fligertickete gebucht.

Zrëckriede vun der Umeldung ass bis Méindes, de 25. November 2019 (ccf. Obligatoresch Datumer) méiglech. Duerno ginn déi bis dohinner iwwerwise Suen **NET** méi zrëck iwwerwisen.

2. Alter

Prioritéit fir mat ze goen hunn d'**RaRo** vun de Lëtzebuenger Guiden a Scouten. **RaRo ass een, wann een am Alter vu 17 bis 23 Joer ass a Member vun de LGS ass.** Member ass een, wann een am Membersfichier als RaRo an/oder als Chef agedroen ass.

Fir d'Projet'en Bolivien a Senegal muss een 18 Joer al sinn den Dag vum Depart. A Georgien kënnen, **no Récksprooch mam respektive Campchef**, 17 järeg Jonker matgoen.

Bolivien	18 Joer den Dag vum Depart
Georgien	Participatioun mat 17 Joer méiglech, no Récksprooch mam Campchef
Senegal	18 Joer den Dag vum Depart



3. Obligatoresch Datumer

Weekend de Lancement	12.-13. Oktober 2019 um Neihaischen
Preparatiounsweekend 1 (3 Projeten zesummen)	23.-24. November 2019 um Neihaischen
Charity Wanter Hike	8. Februar 2020
Preparatiounsweekend 2 (am respektive Projet)	<ul style="list-style-type: none"> • Bolivien: 7.-8. Mäerz 2020 • Georgien: 25.- 26. Abrëll 2020 • Senegal: 25.- 26. Abrëll 2020
Weekend vun der Odyssee Night	26.-27. November 2020

Weider obligatoresch Datumer an Aktivitéite kréien d'Participanten vun hire respektive Projetsstaffe matgedeelt.

4. Dokumenter

D'Participanten mussen bis den 1. Prépaweeke am Besetz vun engem gültigen Pass sinn. De Pass muss bis 6 Méint no der Réckrees gültig sinn.

5. Finanzen

D'Participatioun bezilt jiddereen, RaRo a Staffmember, selwer. Dës besteet aus:

- Kit (160 Euro)
 - 25 Euro Participatioun Prépaweeke 1
 - 25 Euro Participatioun Prépaweeke 2
 - 25 Euro Participatioun Weekend vun der Odyssee Night
 - 28,25 Euro fir 1 Odyssee Plover
 - 22,70 Euro fir 2 Odyssee T-shirten
 - 16 Euro fir 2 Odyssee Foularden
 - 18 Euro Reserve
- Rees an Openthalt (Campliewen a Visiten)
 - Bolivien: 1600 -1700 Euro (dovunner gréisste Part fir de Vol)
 - Georgien: 1000 -1100 Euro
 - Senegal: 1500 -1600 Euro

6. Gesondheet

- All Participanten fëllt fir den 1. Preparatiounsweekend d'Odyssee Fiche médicale aus a bréngt se mat.
- Um 1. Preparatiounsweekend ginn d'RaRo iwwer déi néideg Medezine/Hygiène Precautiounen vun engem Dokter informéiert. Si kréien eng Fiche mat den néidegen Impfungen ausgedeelt, déi dee Moment och online gesat gëtt.